

9

A C T A.  
IN CONSISTORIO SECRETO  
*H A B I T O*  
A SANCTISSIMO DOMINO NOSTRO  
P I O  
*DIVINA PROVIDENTIA*  
P A P A S E X T O

*Feria VI. Decembris MDCCLXXVIII.*  
SOLEMNI DOMINICÆ NATIVITATIS DIE  
STATIM POST MISSAM PONTIFICALEM  
IN BASILICA VATICANA  
Prope B. M. V. de COLUMNA, & S. LEONIS MAGNI Altaria  
Qui locus nunc pro Sacratio est, nondum novo,  
quod construitur, absoluto.



R O M Æ, MDCCLXXVIII.

Ex Typographia Reverendæ Camerae Apostolicæ.

THE  
LIBRARY OF THE  
UNIVERSITY OF CHICAGO

PHYSICS  
DEPARTMENT  
CHICAGO, ILL.  
JAN 10 1900

RECEIVED  
JAN 10 1900



## VENERABILES FRATRES



UAM bonum sit confidere in Domino , VENERABILES FRATRES , splendidissimum exhibet argumentum ea , quæ inter sævientes procellas aura prodiit securior , ob quam repletum est gaudio os nostrum , & lingua nostra exultatione . *Iusta enim & rationabili*

*lis est causa gaudendi* , ait Leo Magnus , cum a Sacerdotibus Domini ea gesta cognoscimus , quæ & patrum canonum regulis , & apostolicis congruunt institutis . (a) Magnò munere Divinæ Misericordiæ multiplicata sunt gaudia totius Catholicæ Ecclesiæ : Quippe studio Venerabilis Fratris Clementis Wenceslai Archie-

(a) *Epist. 36. part. 2. Oper. Edit. Tyrnav. 1767.*

chiepiscopi Trevirensis, & S. R. I. Principis Electoris, quem sine summa laude nominare non possumus, perniciosissimi errores extincti sunt, & in victoria veritatis dudum falsa dogmata perierunt. Non ignoratis plane quæ, & quanta intulerit damna Joannes Nicolaus Episcopus Myriophytanus, Ecclesiæ Trevirensis Suffraganeus, cum ab Anno Millesimo septingentesimo sexagesimo tertio, sub eментito Justini Febronii nomine, Libros edidit, quibus, ut impugnet hujus S. Sedis Jura, verius non est Ecclesiæ ipsius Unitatem dissolvere. (a) Modo idem Archiepiscopus pro Religionis ardore, quo incensus est, pro pastorali, qua maxime valet, virtute, suæque mentis præstantia, illum ipsum Febronium induxit ad solemnem errorum suorum Confessionem, & Retractionem. Plura, & gravissima sibi ab illo proposita veritatis argumenta cum Febronius excepisset, ferioquæ recogitasset, facile animadvertit se fuisse terrena opinione deceptum; & ut in Sacris est Litteris apprimè versatus, agnovit commentis suis obsistere, atque adversari Christi Domini doctrinam, Patrum testimonia, Conciliorum Decreta, aliasque Ecclesiasticas Sanctiones. Ac tum etiam facile Nos credimus, Animo ejus obversatum esse quidquid in Sacris Conventibus Trevirensibus Anno Millesimo quingentesimo quadragesimo nono habitis, quos ipsemet iterum prælo subjici voluit, (b) sanc-

tum

(a) Libri Justini Febronii prohibiti fuerunt Decretis Congregationis Indicis 27. Februarii 1764. 3. Februar. 1766. 24. Maii 1771. 29. Martii 1773.

(b) *Hist. Trevirens. Diplom. Auctor. Jo. Nicolao ab Hontheim. Episc. Myriophyt. Tom. 2. pag. 740. Edit. August. Vind. anno 1750.*

tum fuerat de tenenda , docendaque Romanæ Ecclesiæ doctrina , aliisque servandis Ecclesiasticis Juribus ; quod perspicue agnovit nulla debere varieta-  
te corrumpi . Sed adfuit certe , eumque intime com-  
mutavit , illabens in Cor , mentemque Divinus Spiritus , ut repente Febronius lapsum intelligeret , & rui-  
nam sentiret , atque desleret . Tum , ut ad Patrem sa-  
piens rediret , qui insipiens a Patre recesserat , cum  
statim retractasset , rejecisset , ac detestatus esset , quæ  
suis antea Libris scripserat ; veniam a Nobis petit ,  
Apostolicæ Sedis Clementiam imploravit , tamque  
promptum , ac paratum ad præstandas omnes officii  
sui partes exhibuit animum , ut etiam si plurima jam  
accurate revocasset , cetera tamen omnia , quæ Nos  
adhuc emendanda esse censeremus , sine ulla cunctatio-  
ne se correcturum promiserit . Sed præstat hæc ipsa ,  
**VENERABILES FRATRES** , ex Archiepiscopi Litteris , &  
Febronii Retractione cognoscere , quas Nostrarum  
ad Principes Epistolarum Secretarius recitabit . Ac  
primum audite Litteras .

*Sacrarium ingressus R. P. D. Benedictus Stay ,  
Brevium ad Principes Secretarius , Cappa indu-  
tus , alta voce perlegit Litteras sequentes .*

## BEATISSIME PATER

**B**enedictus Deus & Pater Domini Nostri Jesu Christi , Pater  
Misericordiarum , & Deus totius consolationis , qui me con-  
solari dignatus es in gravissima tribulatione mea , ut possem & ipse  
oppressum simili sollicitudine Sanctitatis Tuae animum sublevare .

Magna nimirum tristitia mihi fuit , & continuus dolor cordi  
meo , dum viderem Suffraganeum ac Coepiscopum meum Nico-  
laum ab Honthelm , Virum tot ceteroquin nominibus mihi ca-

A 309

\*( VI. )\*

rum ac venerandum, utpote qui ob excellens & singulare ingenium, immensum omnigenæ eruditionis apparatus, longævam experientiam, mores a puero intactos, & servidum restaurandæ disciplinæ, Ecclesiæque ampliandæ studium præ alio quovis oneri meo pastorali levando aptior esset, quique, nisi eum zeli amaritudo, & inconsiderantia in transversum egißet, Ecclesiæ bono, solatio, ac præsidio natus videbatur; dum, inquam, viderem Virum hunc terminos, quos posuerunt Patres Nostri, quin imo quos Patribus nostris Divinus Legisfer posuit, transilire, atque a veritatis tramite tanto longius, tantoque obstinatius aberrare, quo ipsum magis decipiebat species recti, & optimæ voluntatis conscientia.

Interim tamen Scriptis suis unitatem Catholicam scindebat, ad quam reducere Protestantes moliebatur; Zizaniorum extirpandorum prætextu, ex Agro Dominico evellebat & Triticum; & fundatæ supra Petram Ecclesiæ ruinam parabat, dum illi etiam suppetias ferre cogitaret; Sed & adversus Sanctam, Catholico cuivis nonnisi cum Religione suspiciendam, Romanam Sedem attollere quandoque supercilium, ejus jura extenuare, prærogativas obtinere, Jurisdictionem universalem, quam tota Antiquitas venerata est, e medio tollere, imo & ejusdem Sedis Præsules hinc inde probris conscindere non dubitavit; eo nimirum, ut asserit, consilio, ut vigentes in Romana Curia abusus aboleret, Sedemque Divi Petri, sublati adscititiis, usque monstrosus parergis, nativo suo splendori restitueret.

Ut autem omnia hæc tutius ageret, & parata fors temeritatis suæ mala declinaret, ficto, Justini videlicet Febronii, Nomine Scripta sua vulgabat; & ita quidem caute, ut quamquam Authoris Nomen, uti hominum neminem, ita nec me lateret, argumenta tamen deessent, quibus eum conscripti Operis convincerem. Sed & verebar, ne si eo hominem adigerem, ut Febronianorum Scriptorum se authorem fateri cogeretur, jam assecrarum numero & Mignatum præsidio audacior effectus, eo protervitiæ procederet, ut infelicis Operis elucubratione optime se de Ecclesia, & veritate meritum esse contenderet; sicque ignis non jam lente & clanculum, ut antea, sese diffunderet; sed disjectis repagulis, in vastissimum & nunquam forte amplius extinguendum incendium erumperet.

A Deo itaque Optimo Maximo consilium, auxilium, temporaque opportuniora expectanda esse duxi; quem in finem indignas quidem, at sincereas tamen & servidas, cum gemitu Columbæ, bonorumque omnium votis unitas preces ad Cælum direxi; illius quoque frequenter interponens auctoritatem, sanguinem & merita, qui, quæcumque in Nomine ejus a Patre petitiuri essemus, ea Nos consecuturos esse promissit.

Quam

Quam benignum , quamque inclinatum supplicationibus meis se præbuerit Confolator in se sperantium Deus , dignabitur Sanctitas Tua ex adjuncto Libello intelligere .

Prætermitto , ne longior sum , narrare , qua occasione dictum Suffraganeum meum Officii sui commonere incœperim ; quibusque gradibus eum divina clementia ad Sanctitatis Tuæ pedes reduxerit .

Verum hoc , utpote virtutis eximie argumentum , in Venærabilis Senis laudem præterisse nefas foret ; quod videlicet illum a primo instanti auspicati inter nos negotii usque ad ejus consummationem , nunquam non humilem , docilem , modestum , & ad quævis jussa mea capeffenda obedientem ac promptum expertus fuerim .

Nec solum Sanctitati Tuæ ad saniora consilia reversum Authoris nostri animum dictus ejus Libellus exhibebit ; sed & cum intimi solatii sensu considerandum sistet , quam humiliter cum Sancta Se- de reconciliari postulet , imo quantum gratiam hanc promereatur & magnanima errorum suorum Confessione , & amara pristinae rationis , factorumque minus rectorum poenitudine , & inconfutibili hodiernorum ejus sensuum Orthodoxia , & acri , quo modo incenditur , inlata Ecclesiæ damna reparandi desiderio .

Atque inde est , cur supervacaneam rem me acturum arbitrer , si Te rogem , Sanctissime Pater , ut poenitenti paternum sinum pandas ; neque enim dubitare fas est , quin illius Caritatem æmuleris , qui super degeneris , sed jam converso Filio misericordia- motus , accurrens cecidit super collum ejus , & osculatus est eum , eique cum Stola prima omnem paternum amorem reddidit .

Certe , si quidquid Tibi est in me benevolentiae ( & multoties probasti inesse quamplurimum ) revertenti ad Te Carissimo Fratri meo exhibueris , & Viscera mea in Domino reficies , & incredibili me voluptate perfundes .

Confidens in bonitate Tua , hæc duxi scribenda Tibi , sciens quod super id quod rogo facies ; nec præteritarum modo ejus no- xarum oblivisceris , sed & Filii loco eum habebis , amabis , Litterisque amicis & senium ejus solaberis , & animum adversus stolidi hominum judicia confirmabis : Dignum quippe , & consentaneum Tuæ clementiæ arbitror , ut qui suo erga Sanctam Sedem obsequio fines nullo posuit , eum illimitato prorsus affectu Sanctitas Tua complectatur .

Transfusa jam in sinum Tuum , Beatissime Pater , suavissimum solatii , gaudii , spei , ac fiduciæ sensuum exuberantia , super- est ut & coram Te deponam humillimæ ac profundissimæ subje- ctionis tributum , quo , quamdiu vixero , in persona Sanctitatis Tuæ

\*( VIII. )\*

honorare intendo Venerabilem illam Petram , cui inædificaturum tē Ecclesiam suam Salvator promisit , & contra quam , haud secus ac Ecclesiam ipsam , nullæ unquam inferiorum potestates prævalituræ sunt .

Cumque in persona Beatissimi Prædecessoris Tui Divi Petri, Apostolorum Principis, non Agnorum modo omnium, sed & Ovium Tibi cura concredita sit, provinciaeque demandata confirmandi Fratres Tuos; intolerabili fere & viribus meis longe superiori duarum Ecclesiarum pondere quasi ad ima depressus, ad Te oculos, manus, vocemque attollo, suppliciter orans, ut satiscentem sub tot Animarum regimine, de quarum singulis severo Judici mihi olim reddenda erit ratio, animum allevare, cæcipientem illuminare, aberrantem reducere, torpentem excitare digneris Consiliis, Jussis, ac præsertim plurimum valenti apud Deum Precatione. Quæ omnia-, ut Apostolica Benedictione mihi confirmare velis, vehementer a Te peto, qui finaliter me, gregesque mihi, utut indigno, commissos paternæ Tuæ benevolentiae commendans, filialemque reverentiam & amorem humili Sacrorum Pedum osculo profitens subscribor .

SANCTITATIS TUÆ

Ehrenbreitstein die 15. Novembris 1778.

*Devotissimus, & Obedientissimus Servus, & Filius .*  
Clemens Wenceslaus Archiepiscopus, & Elector .

Nunc Animos vestros ad Febronianam Retractionem advertite .

*Idem R. P. D. Stay legit Retractionem  
Episcopi Myriophytani, Suffraganei  
Trevirensis.*

BEATISSIME PATER

**S**I quid mihi in longæva, & ad exitum declinante vita evenit triste, & acerbum (evenerunt autem haud pauca); illud omnium maximum, & intima viscerum penetrans est, quod per Reverendissimum, & Serenissimum Dominum Archiepiscopum meum, Pastorem vigilantissimum, ad me pervenit, Sanctitatem Vestram indigne ferre plura, quæ in Libris Justini Febronii, seu quovis alio adscriptio nomine a me evulgatis, aut forte etiam mihi suppositis continentur, utpote summæ Sedi injuriosa, nec non supremis eius juribus



\*( IX. )\*

juribus detrahentia, proin Sanctæ Nostræ Religioni ( sane præter , & contra meam intentionem ) noxia .

Cum autem nihil majus , & Viro bono dignius sit , quam agnitum errorem confiteri , & præteritam culpam melioribus factis redimere ; sic inprimis agnosco & desleo errorem , ex zelo indiscreto Protestantes Catholicæ Ecclesiæ , & Apostolicæ Sedi reuiniendi , huncque in finem etiam usus , & praxes particularium Ecclesiarum , easque per sepe ultra modum exaggeratas , omnibus Ecclesiis applicandi studio natum ; neque eum , quoad vixero , deslere desinam . Dein deliberatum mihi constitutumque est , postquam culpam confessus , & veniam gratiamque a paterna Sanctitatis Vestræ clementia supples deprecatus fuero , sicuti jura & decorem Summæ Sedis pro viribus tueri , ita & ejusdem Sanctæ Sedis judicium Libris & luminibus meis præferre , nullumque meæ erga eandem submissioni ponere terminum . Eripuit mihi autoritas Sanctitatis Vestræ ( in qua autoritatem Jesu Christi recognosco ) errorem . Itaque præsentibus , eosque genuinos animi mei sensus de Statu Ecclesiæ , & summis Sedis S. Petri, Apostolorum Principis, juribus , ad Successoris ejus Pedes omni cum submissione depono , tanquam in qua vivere , & mori cupio . Sunt autem ii sequentes .

Inprimis profiteor & agnosco cum *Tournelio* , Claves Ecclesiæ , & uni Petro , & Unitati simul a Christo concessus esse , ita ut unum aliud non excludat . Oportebat quippe meminisse cum *Terulliano* , in *Scorpiaco Cap. 10.* , *Eas Dominum Petro , & per eum Ecclesiæ reliquisse* ; & cum *Optato* , de Schism. Donatist. *Lib. VII. n. 3.* , *Petrum Claves Regni Cælorum communicandas ceteris solum accepisse* ; ut enim de Petro ait *S. Leo* , *Serm. III. in Anniv. Si quid ( Christus ) cum eo commune ceteris voluit esse Principibus , nunquam nisi per ipsum dedit quidquid aliis non negavit* : Scilicet Claves datæ sunt uni Petro , quatenus ille Primatum & regiminis potestatem accepit a Domino , idemque Personam totius Ecclesiæ , cæu Supremus ejusdem post Christum , & sub Christo Rector ac Moderator , gerebat . Datæ quæque sunt Unitati , idest in bonum Unitatis , & Petro præcipue , ut dictum est , & aliis etiam Apostolis , eorumque Successoribus Episcopis , quibus docendi , ac regendi ministerium & potestas , seclusa plebe , commissa sunt in verbis : *Sicut me misit vivens Pater , & ego mitto Vos . Accipite Spiritum Sanctum , quorum remiseritis peccata &c. Euntes docete omnes Gentes &c. Attendite Vobis , & universo Gregi , in quo Vos Spiritus Sanctus posuit Episcopos regere Ecclesiam Dei* : Attamen cum dependentia a Petro , & cum subordinatione ad ipsum , qui eas , ut superius ait *S. Optatus* , communicandas ceteris solus accepit . Explodendus proinde error ,

haustus ex Protestantium fontibus, Ecclesiam Collegium esse, non Societatem, ut Catholici sentiunt, in qua baptizati fideles ex institutione Christi sub legitimorum Pastorum, ac præcipue Summi Pontificis, regimine degunt; cujus regiminis potestas, a Christo constituta, veram subiectionis, & obedientiæ obligationem multitudini, seu universitati imponit.

Proſiteor Dei Filium, dum suam Ecclesiam fundare, eamque esse unam vellet, formandæ ac regendæ huic Unitati Primatum in illa instituisse; huncque S. Petro commississe. Firmiter assero cum SS. Patribus *Cypriano*, *Hieronymo*, *Optato Milevitano*, *Gregorio Nazianzeno*, *Joanne Chrysostomo*, *Ambrosio*, *Leone M.*, *Gregorio M.*, & aliis, propterea inter duodecim Apostolos unum electum esse, ut Capite constituto, super quo Ecclesia fundata est, Schismatis tollatur occasio: Ideo Christum, cum suis Apostolis potestatem largiretur, ab uno, cui Primatum tribuit, coepisse, ut unam Ecclesiam, & unitatem Cathedræ, simulque unitatis originem demonstraret: Schismaticum esse, qui, ut ait *Optatus*, contra singularem Cathedrali collocat, vel ab ejus communione per obedientiæ negationem recedit: Non habere Petri hæreditatem, qui Petri Sedem impia divisione discerpit; siquidem ubi est Petrus, ibi est Ecclesia: Petrum Ecclesiæ fundamentum (Apostolos, sibi ut Capiti subordinatos) in fidem suam recepiſſe; Eidem Petro, in quo Primatus excellenti gratiæ præeminet, ipsorum etiam Apostolorum curam a Christo esse commissam: Ipsum esse Os; & Principem Apostolici Coetus.

Assero hunc Primatum (qui non ordinis, inspectionis ac directionis tantum est, sed & veræ Auctoritatis ac Jurisdictionis) quia non minus, quam Unitas ipsa, pro cujus conservatione ac regimine institutus est, perpetuus esse debebat, in Petri Successores Romanos Pontifices, Sedemque Apostolicam, hujus Unitatis Centrum & Radicem, jure divino transiſſe, ut nulla ratione transferri a Romana ad aliam Sedem valeat: Ad hanc Ecclesiam propter potiorem principalitatem (id est, propter supereminentem ejus dignitatem atque auctoritatem) uti ait *S. Irenæus*, *neceſſe eſſe omnem convenire Ecclesiam*, hoc est eos, qui sunt undique, fideles: Eam esse Caput Ecclesiarum, a quo, ut inquit *Bonifacius Papa I.*, *quisquis se abſcindit, fit a Christiana Religione extorris*. Huic accedunt Patres Concilii Constantinopolitani IV. *Sequentes*, ut ajunt, *in omnibus Apostolicam Sedem, & observantes omnia ejus Constituta, speramus, ut in una Communione, quam Sedes Apostolica prædicat, esse mereamur, in qua est vera & integra Christianæ Religionis soliditas; promittentes etiam, sequeſtratos a Communione Eccle-*

*Ecclesiæ Catholicæ, idest, non consentientes Sedi Apostolicæ, eorum nomina inter Sacra non recitanda esse Myſteria.*

In horum ſequelam cum Patribus Concilii Œcumenici Florentini agnoſco, Romano Pontifici in B. Petro paſcendi, regendi, ac gubernandi Univerſalem Eccleſiam a Domino Noſtro Jeſu Chriſto plenam poteſtatem traditam eſſe. Sicut autem paſcendi, & regendi poteſtas ſine conveniente Auctoritate, Jurisdictione, ac Coactione (ad quam etiam, velut graviffima Spiritualis pœna, pertinet Excommunicatio, quoad fructum & ſuffragia generalia ſeparans) ſubſiſtere non poteſt; ſic talem a Chriſto ipſo promanantem in Romano Pontifice, tanquam Univerſalis Eccleſiæ Capite, Principe, ac Magiſtro reſidere affirmo.

Proſiteor quoque Romanum Pontificem eſſe ſummum Judicem Controverſiarum in rebus Fidei & Morum; ac in omni ejusmodi Controverſia exorta, hinc inde diſſentientibus animis, tum maxime audiendam vocem *Hieronymi*, ſcribentis ad Damafum: *Ego Beatitudini Tuæ, id eſt, Cathedræ Petri communione conſocior: Super illam Petram ædificatam Eccleſiam ſcio. Quicumque extra hanc Domum Agnum comederit, proſanus eſt. . . . Non novi Vitalem, Meletium reſpuo, ignoro Paulinum; quicumque tecum non colligit, ſpargit. Et: Adhuc in tres partes ſciſſa Eccleſia ad ſe rapere ne ſeſtinat. . . . Ego interim clamito: Si quis Cathedræ Petri jungitur, meus eſt.*

Addo ſpeciatiim adverſus errorem tum veterum, tum recentiorum Novatorum, qui ſpreta multitudine Episcoporum, Capiti ſuo Romano Pontifici expreſſe, vel tacite adhærentium, Eccleſiam, ac veritatem in ſua paucitate concludere non verentur, fieri non poſſe, ut a vero aberret Corpus Episcoporum, qui Capiti ſuo Romano Pontifici adhærent: Sic hæreſim Lutheri jam ante Concilium Tridentinum ab Eccleſia, præeunte Pontifice, per ejus Oraculum ultimato & irrevocabiliſter damnatam fuiſſe; quandoquidem Eccleſia Capiti unita, ſive per Orbem Univerſum diſperſa, ſive congregata in Conciliis Generalibus (in quibus Episcopi jure proprio ac judiciaria poteſtate ſibi ex inſtitutione Chriſti coherente una cum Summo Pontifice definiunt) in dictis Cauſis definiendis errare non poſſit, nec ab ea Cathedra diſcedere, ad quam, teſte *Cypriano*, perfidia non valet accedere; & in qua, manente diſpoſitione veritatis, B. Petrus in accepta fortitudine Petræ perſeverans Eccleſiæ gubernacula non relinquit, ac per Succellores ſuos ſedere, ac loqui non deſinit.

Agnoſco pariter datam Eccleſiæ a Chriſto auctoritatem judicandi de ſenſu, ſeu doctrina Propositionum, Librorum, & Autho-

ram, ac fideles compellendi ad subscribendum suæ Sententiæ; hoc proinde teneri eidem acquiescere interna mentis & iudicii adhæ-  
sione; non solum religioso, ut vocant, silentio; atque hujusmo-  
di iudicium nullatenus errori esse obnoxium. Constitutioni *Uni-*  
*genitus*, ut dogmatico Sanctæ Sedis Romanæ & Universalis Eccle-  
siæ Decreto, omnimodam ab omnibus obedientiam deberi affirmo.

Dico cum *Avito Viennensi Episcopo*, in rebus, quæ ad Ec-  
clesiæ statum pertinent, si quid dubitationis fuerit exortum, ad  
Romanæ Ecclesiæ Maximum Sacerdotem, quasi ad Caput nostrum,  
esse referendum.

Circa Decretales Romanorum Pontificum Epistolas, profiteor  
cum *SS. Gelasio*, & *Leone*, eas venerabiliter suscipiendas esse, &  
sancte custodiri debere.

Affirmo Romano Pontifici jure divino competere Jus indicen-  
di, dirigendi, & confirmandi Universalia Concilia, quæ per ejus  
concursum plenam fortiuntur firmitatem, & infallibilitatem, inde-  
pendenter a quacumque alia acceptatione.

*Concilium Tridentinum* non tantum in Causis Fidei, sed etiam  
Discipline liberum fuisse profiteor, non obstante, quod pro illo-  
rum temporum & rerum circumstantiis in eadem Sacrosancta Sy-  
nodo non potuerint omnia de quorundam etiam proborum Vi-  
rorum voto ac desiderio reformari. Causas Criminales Episcopo-  
rum per Concilium *Tridentinum*, *Seff. XXIV. Cap. 5.*, Summo Pon-  
tifici, & Apostolicæ Sedi merito reservatas judico. Cumque ea-  
dem Sacra Synodus, *Seff. XIV. Cap. 1.*, declaraverit Pontifices Ma-  
ximos, *pro suprema potestate sibi in Universa Ecclesia tradita*, Cau-  
sas aliquas Criminum graviores merito potuisse suo peculiari judi-  
cio reservare; non arbitror licere apertam hanc Synodi declara-  
tionem eludere, aut obliquis & coactis interpretationibus everte-  
re, quasi hæc potestas Summo Pontifici non competeret proprio,  
ac originario, divinoque jure. Habet proinde idem Pontifex, &  
jure exercet in Universa Ecclesia potestatem Dispensandi ex legiti-  
ma causa in lege per Generale Concilium lata.

Primis jam tum Ecclesiæ temporibus ii censebantur Spurii,  
adulterinique Episcopi, quorum Romanus Pontifex Ordinationem,  
seu Electionem absolute respueret, veluti *ULTRAJECTINORUM*  
*Pseudo-Episcoporum*, aliorumque eidem Communioni, atque Cau-  
sæ adhærentium. Quamvis autem antiquioribus temporibus Con-  
firmatio, & Consecratio Neo-Electorum Episcoporum ad Provin-  
ciales Synodos, præcipue vero ad Metropolitanam pertinuerit;  
attamen legitimis de causis hæc disciplina per Universum Occi-  
dentem mutata fuit, neque pristinam hac in parte disciplinam re-  
duci

\*( XIII. )\*

dici posse existimo, nisi de pleno atque libero Summæ Sedis assensu. Idem de Translationibus, & Depositionibus Episcoporum, nec non de Erectionibus novarum Sedium Episcopaliū servandum judico.

Canonizatio Servorum Dei per Papam *Alexandrum III.*, ad evitandos innumeros abusus, soli Romano Pontifici, secluis Episcopis Diocesanis, merito reservata est. Quamquam & ab antiquioribus temporibus, ut habetur ex *Benedicto XIV. Lib. I. de Beatif. & Canon. Serv. Dei Cap. 10. num. 1.*, Beatificationes ipsæ, quæ fiebant ab Episcopis, vim obtinebant Canonizationis, vel per expressam Summi Pontificis approbationem, vel per universalem, extra Concilium, Ecclesiæ consensum, in quo tacita Summi Pontificis approbatio continebatur.

Quamvis olim vix aliæ Causæ, quam Majores, ex Provinciis ad Romanam Curiam deferrentur; attamen hodie in reverentiam Summæ Sedis, ac pro Suprema potestate eidem in Universa Ecclesia divinitus tradita, legitimo communique usu invaluit, ut in quibuscvis Causis Ecclesiasticis ad Summum Pontificem appelletur, ita ut ejusdem Sanctissimi autoritate in suprema instantia judicetur, tum Romæ per Judices Ordinarios ibidem constitutos, tum per Delegatos in partibus, pro diversitate locorum, morum, & Concordatorum.

Summi Pontifices *Pius II.*, *Julius II.*, & *Gregorius XIII.* omnî jure damnarunt Appellationes a Papa ad futurum Concilium, cujus damnationis causas suis Constitutionibus explicant. Sane jam antea reprobata comperimus a *Gelasio* Appellationes a Sede Apostolica: *Siquidem ad illam de qualibet Mundi parte Canones appellare voluerint; ab illa autem nemo sit appellare permixsus.*

Equidem primævo Ecclesiæ usu omnia Beneficia ad Episcopum, tanquam Ordinarii Loci, dispositionem, seu collationem pertinuisse videntur; attamen cum sanæ rationis sit, ut Summus & Universalis Pontifex plurium in Provinciis gratiarum dispensator existat, sic minime injustæ, imo huic Summi, & Universalis Pontificis qualitati consonæ fuerunt Beneficiorum Reservationes, quæ deinceps Nationum Concordatis firmatæ, & respective moderatæ sunt. Hæc Concordata, utpote vim pacti habentia, religiose omnino servanda sunt. Declararunt autem sæpius Romani Pontifices, signanter *Gregorius XIII.*, longe a suo Animo abesse Concordatorum, nominatim Germaniæ, infractionem.

Annatæ ad sublevandas necessitates Romanæ Curiae, pro omnibus Ecclesiis excubantis, laborantis, & sumptus portantis, pro legitimis habendæ; atque ut tales, eo saltem usque retinendæ sunt, donec alia aequè commoda ratione, Apostolicæ Sedis judicio, su-

«( XIV. )»

stentationi, atque innumeris oneribus ejusdem Curiae provisorum fuerit.

Exemptio Regularium ( quorum magna in Ecclesia est utilitas ), eorundemque immediata subjectio ad Apostolicam Sedem, legitimis ex causis, in bonum non tantum Religiosorum Ordinum, sed etiam Universalis Ecclesiae, videlicet ad faciliorem eorundem sub uno Supremo Capite gubernationem, introducta, & ab omnibus Ecclesiis agnita, nedum a Seculari potestate, sed nec ab una particulari Synodo abrogari valet. Abusibus, ex hac Exemptione nasci valentibus, per *Concilium Tridentinum* occursum, & provisorum est.

Scio Episcopos non ab Ecclesia, seu fidelium Universitate, sed a Spiritu Sancto positos, ut commissos sibi Greges intra suas solum Dioeceses pascant & regant, cum debita ad Romanum Pontificem subordinatione. Quamvis autem illi primis Ecclesiae temporibus ampliorem, pro varietate disciplinae, in his quae jurisdictionis sunt, potestatem exercuerint; potuere tamen Canones ejus usum intra strictiores terminos coercere, quos privata autoritate extendere nefas foret.

In illis, quae ad Fidem, Sacramenta, & Ecclesiasticam Disciplinam pertinent, potestas Ecclesiastica pleno jure decernit, sine concursu potestatis Civilis; ratione tamen mutuae Protectionis, quam sibi invicem debent, ad hanc spectat, juxta mentem Ecclesiae, & quantum ipsa optat, ejus Canones protegere, & exequendos curare per media temporalia.

Finaliter judico, curandum omni legitimo ac meliore modo, ut pax & concordia inter Ecclesiam, & Rempublicam perpetuo retineatur; atque adeo, quoad Fides & Religionis jura patiuntur, vitandas esse occasiones offensionum, unde & dissidia oriri, & gravia mala in Religionis detrimentum timeri possent.

Accipe, SANCTISSIME PATER, has Assertiones, velut testiferae genuinae meae sententiae de divinis, atque eminentioribus Tuis, Tuaeque Sedis juribus, tanquam monumentum revocationis omnium, quae adversum ea, & si quae fortasse alia verae doctrinae Capita, seu universalis Ecclesiae jura ( licet praeter intentionem ) a me quavis via, aut modo dicta, scriptave fuere, vel scripta videri possent.

Si quid ultra est, quod circa Fidei, seu Doctrinae meae professionem ac declarationem, quam in omnibus Sanctae Romanae, atque Apostolicae Ecclesiae conformem esse cupio, jubes, aut postulas; habebis me semper ad eandem germana sinceritate edendam obediens ac promptum, Non negabis interim ( sic humilissime

line confido) veniam erranti, qui medias etiam inter deviationes nihilominus cum Patribus Concilii Lateranensis semper agnovit, & quoad vivet, agnoscat, Romanam Ecclesiam, disponente Domino, super omnes alias ordinariæ potestatis obtinere Principatum, utpote Matrem Universorum Christi fidelium; qui cum *Divo Bernardo* sine fraude & suæ profectetur: Esse alios alijs assignatos Greges, singulis singulos; Tibi universos, uni unum, non modo Ovium, sed & Pastorum, tanquam uni omnium Pastori; qui cum *S. Hieronymo* non ignorans Romanam Ecclesiam supra Petram; qui Christus est, ædificatam, nihil magis desiderat, quam Cathedræ Petri (qui etiam *per Christum factus est Petra*, ut ait *S. Maximus Taurinensis*) perpetuo consociari, Suscipe me in hanc Unionem; redde poenitenti filio paternum affectum; & in pignus huius gratiæ da jacenti ante Sacros Pedes Tuos, eosque deosculanti, Apostolicam Benedictionem.

IN SANCTITATIS TUÆ

Treviris, 1. Novembris An. MDCCLXXVIII.

*Humillimo & Obedientissimo Filio.*

Joanni Nicolao ab Hontheim Episcopo Myriophitano  
Suffraganeo Trevirensi M. propria.

Nostras modo in forma Brevis Litteras, quibus ad utrumque respondimus, audietis.

*Postremo ab eodem lectæ sunt Epistolæ  
Sanctitatis suæ ad utrumque.*

Venerabili Fratri Clementi Wenceslao Archiepiscopo Trevirensi,  
& Episcopo Augustano, S. R. I. Principi Electori.

PIUS PAPA SEXTUS

Venerabilis Frater, Salutem & Apostolicam Benedictionem.  
Nihil Nobis gratius, atque acceptius Tuis Litteris continere unquam potuit, Venerabilis Frater; nihil illis, quæ Nobis ipsæ attulerunt, exoptatius. Incredibile est; quanto inde, quamque immenso repleti gaudio sumus: idque Tu ipse magis ex Tuo lætitiæ sensu existimare poteris, quam Nos ullis Tibi significationibus exponere valeamus. Illo, quem nuntiasti, successu, illo, quem trans-

transmissiſſi, *Retractionis* Libello, graviffimam detraxiſti Nobis; quæ jamdiu Animo infixa erat, de *Febronianis* Scriptis ſollicitudinem; quantumque antea de illatis illinc in Eccleſiam damnis dolebamus, tantam nunc in ſpem inducimur fore, ut iis iſſis Scriptis jam a ſuo Auctore repudiatis, abdicatis, ac damnatis, accepta detrimenta ſarciri tandem ac reſci videamus. Hunc a Deo ipſo rei exitum eo magis expectamus, quo magis illius Digitum, Cor hominis altiffime pervadentem, atque immutantem agnoſcimus; Tuos ille ſermones, cum Epifcopo Myriophytano Sufraganeo Tuo a Te habitos, Tua in ipſo ab errandi via deducendo conſilia, Tuas actiones pro ſua gloria, atque Eccleſiæ utilitate ſuſceptas ſui Spiritus afflatu moderabatur, ſua ope præſidioque muniebat, opportunitateſque omnes, & differendi, atque agendi tempora ſapientia ſua gubernabat. Illi igitur, qui dives eſt in miſericordia, ſummæ immortaleſque habendæ ſunt a Nobis gratiæ, quod & Tua vota, ſtudia, ac labores, & Noſtras non intermiſſas preces, ac lacrymās, in Cordis humilitate ad eum fuſas, tam liberaliter, tam benigne tandem reſpexerit. Verum cum ab ipſo Tua fuerit opera, tamquam ſuæ miſerationis inſtrumentum, adhibita, ipſam hanc tam egregiam, tamque excellentem operam ac Virtutem. Tuam intima Animi Noſtri comprobatione proſequimur, atque in Cælum extollimus; Tibique, Venerabilis Frater, ita gratulamur, ut nihil unquam a Te in Tuo Epifcopali munere neque gloriſius, neque utiliſ ſuſcipi, atque effici potuiſſe Apoſtolica voce prædicemus. Summa eſſe Tua fatemur de Nobis, de Sancta hac Sede, Eccleſiaque Univerſa merita, ad maxima inde, nec unquam interitura acceſſiſſe ad priſtinam Tuam laudis ac ſplendoris amplitudinem veræ ſolidæque gloriæ ornamenta. Hæc eximia Noſtra de Te judicia pari etiam gratiſſimi Animi teſtimonio, ſummique in Te amoris, exiſtimationis, ac ſtudii declaratione cumulamus, Proinde quod Tu nunc a Nobis vehementer exoptas, atque efflagitas, ut Venerabilem Fratrem Joannem Nicolaum Epifcopum Myriophytanum jamdiu aberrantem, ac ad Nos modo revertentem, in gratiam benevolentiamque Noſtram reſtituamus, magnopere quidem gaudemus in eo, quod Noſtra Animi inductione cupidiffime præſtaturi ſumus, una etiam Nos eſſe Tuo huic graviffimo poſtulo præclare ſatiſfacturos. Itaque omnia, prout fieri a Nobis cupis, ab ipſo antea in Apoſtolicæ huius Sedis Eccleſiæque jura, perperam atque inconſulte dicta, ſcripta, ætæque ex Animo remiſimus, condonamus, atque ignoſcimus; ad eaque reſpicimus, quæ nunc conſecuta ſunt, quæ nimirum a Te, atque ab illo ipſo etiam de præſenti ſuo Animi ſenſu ad Nos deferuntur; eundem in

pater-



paternæ Caritatis solum, atque in complexum Nostrum libenter, amanterque recipimus, ac tamquam inventam Ovem, quæ perierat, humeris Nostris imponimus, atque ad hanc solidissimam Veritatis Petram læti exultantesque reportamus, ac inter ceteros Coepiscopos Fratres, itemque Filios Nostros adnumeramus; & quo amplius habeat paterni hujus Amoris, lætitieque Nostræ argumentum, non mediocri etiam laude, & commendatione hanc ipsius actionem exornamus. Commendari enim oportere a Nobis intelligimus ejus cum ingenij docilitate conjunctam Animi fortitudinem, quæ in suo hoc facto perspicue conspicitur atque eminet, dum illas suas, quas tantopere adamarat antea, propugnatæque Sententias, abjicit nunc, ac detestatur, dum plurimorum huic Petri Cathedræ aut versantium, aut invidenium, quos undique in suas partes laudesque pertraxerat, judiciis non retrahitur, non permovetur. Quid hoc est, nisi quodammodo pro-veritatis, quæ assulsi, amore semetipsum contemnere, ex Saulo novum in se Paulum exprimere, de ambitione, de sui laude, de profani Sæculi hujus aura fortiter, egregieque triumphare? Quo certe humanæ Naturæ imbecillitas pertingere non potest, nisi divina ope fulta, ac roborata. Divinæ igitur voluntatis rationibus inherere Nos putamus, dum eundem singulari laude prosequimur, quo potissimum in Dei ipsius gloriam est redundatura. Idcirco jam nunc ipsi amantissimis respondemus Litteris, quas hisce conjunctas ad Te transmittimus; in iisque intimæ reconciliationis, gratiæ, laudationisque Nostræ testem Apostolicam Benedictionem ex animo concedimus. Ut autem ad Te regrediamur, Venerabilis Frater, ita tua hac virtute, tuæque felicitate gaudemus, ut plurimum ob ipsum etiam tam singulare, tamque præstans exemplum, in Te splendoris, in Apostolicam Sedem utilitatis adjunctum iri cunulam judicemus. Maximo enim exemplum illud ceteris omnibus Episcopis incitamento ad Sacra tuenda, & propugnanda Jura futurum confidimus: Eos vero acerrime poterit sua claritate ac luce ad imitationem impellere, quibus ob locorum propinquitatem erit ipsum multo conspectius; quibusque deesse jam hoc tempore non potest ejusmodi exhibendæ, exercendæque virtutis copia. Nunc vero etsi Te ipsum imposterum Tui similem futurum non dubitemus, valdeque lætemur nulla Te hortatione indigere, qui tua sponte ad præclara quæque inflammaris; tamen ut magis Tibi constare possit, quantum adhuc tua virtute nitamur, illud nunc a Te expectamus, ut quem a Deo recepit Suffraganeus tuus docilitatis spiritum, eodem pro tua apud ipsum auctoritate velis uti ad debitam ab ipso exigendam, quam promisit, operam, qua illud erorum

rorum propugnaculum , quod jampridem excitavit , idem ipse ful-  
ingenii , fureque doctrinæ ope dejicere , ac funditus delere per-  
gat ; ex quo certe præcipuum ipsi illi Retractioni suæ pondus  
adjugetur : Tecum præterea S. Leonis Magni adhibemus ad  
Theodoretum , Cyri Episcopum , scribentis verba : (a) *Vittoria ,*  
*quam Christus Dominus Noster suæ donavit Ecclesiæ , quamdiu in*  
*hoc Mundo versamur , licet fiduciam majorem tribuat , non tamen*  
*in totum sollicitudinem perimit , nec ut dormiamus donata est ,*  
*sed ut suavius vigilemus .* Jam quod reliquum est , & perspectis-  
sima Nobis antea erant Tua in Nos , & Apostolicam hanc B. Pe-  
tri Cathedram studii , conjunctionis , observantiæ , pietatisque  
officia ; & nunc adeo grata & jucunda est eorundem in Episto-  
la tua luculentissima confirmatio , ut nihil cupiamus magis , quam  
palam omnibus facere posse , quantam Tui , Tuæque Dignitatis  
ac Virtutis rationem habeamus , quantumque ad ea omnia præ-  
standa , quæ ad Tuæ laudis gloriæque incrementa faciant , atque  
ab hujus S. Sedis beneficentia proficisci possint , potissimum in-  
cendamus . Interim Deum Opt. Max. precamur , ut cum ipse  
præstantium tuorum meritorum suator , impulsor , atque auctor  
extiterit , idem etiam esse suorum in Te munerum amplificator  
velit . Atque hujus divinæ benignitatis aspiciem Apostolicam Be-  
nedictionem Tibi , Venerabilis Frater , Tuæque fidei concreditiss  
populis intimo paternæ Caritatis sensu amantissime impertimur ,  
Datum Romæ apud Sanctum Petrum sub Annulo Piscatoris die  
XIX. Decembris MDCCLXXVIII. Pontificatus Nostri Anno  
Quarto .

*Benedictus Stay .*

*Venerabili Fratri Joanni Nicolao Episcopo Myriophytano .*

## PIUS PAPA SEXTUS

**V**enerabilis Frater , Salutem & Apostolicam Benedictionem .  
Quod summopere semper optavimus , quodque a Deo  
Optimo Maximo omni animi contentione precati sumus , ut Tu ,  
Venerabilis Frater , cordis dolore tactus intrinsecus , tandem ali-  
quando a suscepta jamdudum offensionis atque erroris semita il-  
lius miseratione digredereris , Teque ipsum ad veræ doctrinæ  
lucem revocares ; id nunc contigisse & ex Litteris Venerabi-  
lis Fratris Clementis Wenceslai Trevirensis Archiepiscopi , &  
S. R. I.

(a) *Epist. 93. Cap. 6. Part. 2. Oper. cit. Edit.*

\*( XIX. )\*

S. R. I. Principis Electoris , & ex transmissio Nobis Tuo Retractionis Libello incredibili paterni Nostri animi jucunditate intelleximus . Maximas extitisse Nobis a Te antea doloris , atque ægritudinis causas , ipse facile percipere potes ; cum Te nimirum inqueremur hujus Apostolicæ Sedis beneficio ad Episcopatum evectum , ipsique tanto necessitudinis nomine devinctum , iamque infurrexisse ad eandem oppugnandam , idque conari , ut ejus antiquissima jura , atque a Christo Domino derivata privilegia minueres , ac labefactares . Divinis Nos sane freti promissionibus certissime confidebamus , Solidissimam hanc Veritatis Petram nullis unquam adversis ventis ac tempestatibus concuti posse , atque ad ruinam impelli . Sed & Tuam dolebamus vicem , qui Te tantopere a Nobis averieres , atque aberrares ; & eorum etiam omnium errorem perniciemque desolebamus , quos ingenium tuum , amplaque eruditionis , ac doctrinæ species ad Tuas partes , hoc præsertim adversissimo Ecclesiæ ac Religioni tempore , facile pertrahebat , atque aggregabat . Has pristinas gravissimas molestias , perpetuasque sollicitudines Nostras non idcirco nunc commemorandas suscepimus , Venerabilis Frater , ut Tibi quidquam exprobrare videamur ; sed ut luculentissime declarem , in quale , quantumque illæ jam conversæ sint gaudium , quamque ex ipsa superioris temporis recordatione sensus in Nobis Tuæ hujus reversionis fiat jucundior . Cognoscimus certe in Tuis hisce immutatissimis consiliis Dei virtutem ac misericordiam , qui non reliquit Te usque in finem , sed novam Tibi mentem voluntatemque per Sanctum Spiritum immisit , atque indidit ; eique quantas maximas possumus intima Animi fide gratias persolvimus ; Teque etiam hortamur , ut hæc ipsi debita Tuæ Religionis Officia in humilitatis sensu exhibere ac referre nunquam intermittas . Porro ut Tu ipse pro tanto beneficio , post Deum , unice obstrictus es eidem Trevirensi Archiepiscopo Tuo ; ita Nos itidem plurimum ipsi debere ultro profitemur , qui sua tandem opera , Sapientia , ac Virtute perfecit , ut divina ope Te ad hanc Beati Petri Cathedram cum gemitu sisleres , implorares veniam , ad ejusque cultum , obsequium , ac reverentiam puro corde , & conscientia bona , & fide non ficta redires . Hoc nimirum de Te persuadent Nobis , præter summam ejus amplissimi Viri auctoritatem , ipsa ratio Epistolæ ac Retractionis Tuæ , in qua post plurima singillatim , atque accurate expressa , a Teque revocata , Animum præteritorum omnium poenitentem exhibes , eumque in modum comparatum esse confirmas , ut cetera etiam , quæ non expresseris , contra Apostolicæ Sedis decreta , ac doctrinam a Te unquam prola-

prolata ; statim ut admonitus fueris , Te ad veritatis normam redacturum esse pollicearis . Hoc optimæ voluntatis Tuæ testimonium Nos perlibenter suscipimus ; hoc certum tuæ constantiæ pignus esse existimamus . Proinde remittentes Tibi quascumque Canonicas , & spirituales pœnas , Te , Venerabilis Frater , quod tam enixe a Nobis suppliciterque postulas , in Nostram , & Sanctæ hujus Sedis gratiam reconciliamus , ac restituimus ; Tibi pacem , quam a Christo Domino didicimus , largimur ; Tibi paterno amplexu occurrimus ; Te inter Episcopos Collegas Nostros adnumeramus , atque amantissimis Verbis Filium etiam Nostrum compellamus . Dum hunc Nostrum , ut vides , amore Tibi tam prolixè deferimus , eundem etiam cum plurima tui commendatione ac laude jam nunc conjungere minime dubitamus ; neque enim dissimulare possumus in Tua hac Actione conspici a Nobis & docilitatem ingenii , & magnitudinem animi Tui . Nam quid majus a Te fieri , quid fortius potuit , quam discussa errorum caligine , a pristina mentis elatione ad christianæ humilitatis sensum demitti , tuas abjicere ac reprobare sententias , veritati posthabere exoriturus de Te rumores , Temetipsum quodammodo vincere atque contemnere ? Quod quanto difficilius est , humanæque Naturæ vires excedens ; tanto magis intelligimus abundare in Te divitiis gratiæ & bonitatis Dei . Ita certe Boni omnes , quorum gravissima apud Te esse debent judicia , Nobiscum sentient , cum Nos , quæ operata sit in Te Dextera Domini , palam faciemus . Tu itidem , Venerabilis Frater , illud nunc potissimum age , ut omnes Populi publica tua veritatis a Te agnitæ confessione , divinæque potentiæ celebratione quid per ejus misericordiæ gratiam sis consecutus , intelligant . Maximum existima , atque opportunissimum illati a Febronio in Ecclesiam detrimenti futurum remedium , si Tu ipse , qui eos Libros conscripisti , eosdem , ut erant antea ad plurimorum ruinam , ita nunc ad ipsorum ædificationem refutes , convincas , ac redarguas . Etsi provecta jam ætate sis , integris ramen adhuc Te , Deo juvante , pollere cum Animi , tum Corporis viribus non ignoramus . Quid potius igitur , quid utilius , quid præstantius reliquo vitæ tempore facias , quam , ut qua manu vulnera Ecclesiæ atque Apostolicæ Sedi inilixisti , eadem illa ipsa alligare , ac persanare omni studio , ac labore contendas ? Habes profecto plurimos , quos imitare , præcedentibus Ecclesiæ temporibus insignes & sanctitate & doctrina Viros , qui nedum prioris ætatis errata retractare veriti non sunt , sed eadem semel detecta constantissime rejicientes , maximam hoc ipso apud omnes suæ nomini gloriam com-

compararunt (a). Eja igitur, Venerabilis Frater, ~~exere~~ vi-  
res, Te ipsis S. Joannis Chrysostomi Verbis excitamus, (b) for-  
titer dimica, atrociter in proelio isto concerta, considera pactum,  
conditionem attende, militiam nosce; pactum, quod spondidisti;  
conditionem, qua accessisti; militiam, cui nomen dedisti: Tibi  
etiam S. Bonifacii Moguntini Episcopi, Germaniæque Apostoli,  
plenas auctoritatis voces subijcimus, quem Tibi ignotum esse,  
non potest aliquantulum etiam ad Palatiolum Monasterium prope  
Treviros constituisse (c): Ille ad Zachariam scribens testatur, ni-  
hil tam se optare, quam Catholicam Fidem & Unitatem Ro-  
manæ Ecclesiæ servando dilatare, & quantoscumque audientes, vel  
discipulos in ista Legatione mihi Deus donaverit, ad obedientiam  
Apostolicæ Sedis invitare, & inclinare (d). Nos vero Tibi  
ipsam Zachariæ ad Bonifacium responsum damus: Domini de-  
precamur clementiam, licet peccatores, ut suo Te muniat, &  
confortet auxilio, Nosque annuat prosperitatis tue semper læta-  
fuspiciere nuncia (e). Demum pro Dei benignitate nova, sem-  
perque uberiora imposterum a Te lætitiæ Nostræ, Tuæque com-  
mendationis argumenta expectantes, Apostolicam Benedictionem  
Tibi, Venerabilis Frater, cælestium munerum omnium auspicem,  
in paternæ gratiæ, pacis, caritatisque amplexu ex Animo, ac  
peramanter impertimur. Datum Romæ apud Sanctum Petrum  
sub Annulo Piscatoris die XIX. Decembris MDCCLXXXVIII, Pon-  
tificatus Nostri Anno Quarto.

Benedictus Stay.

Hiscæ

- (a) Epist. Maximi, Urban. Stæon. & Machar. de suo reditu ex schismat. L.  
inter Epistol. S. Cyprian. Edit. Paris. cum Annotat. Pamel. ann. 1603. & Au-  
gustin. in Proleg. lib. Retraction. Tom. 1. Operum Edit. Paris. Monachor.  
S. Maur. Neque enim quisquam, nisi imprudens, ideo quia mea errata re-  
prehendo, me reprehendere audebit. Sed si dicit, non ea debuisse a me dici,  
quæ postea mihi etiam displicerent; verum dicit, & mecum facit. Eorum  
quippe reprehensor est, quorum & ego sum. Neque enim ea reprehen-  
dere deberem, si diceret debuissem.
- (b) Serm. de Martyrib. Quod aut imitand., aut non laudandi sunt. Tom. 3. Oper.  
Edit. Paris. 1581. pag. 849.
- (c) Bower. Annal. Treviren. Tom. 1. lib. 7. num. 116. Ballandist. Añ. SS. Ju-  
nii Tom. 1. Die 5. §. 2.; dein. in 4. Vita ejusd. S. Bonifac. §. 2.
- (d) In Collect. Concilior. Labb. Tom. 6. pag. 1495. Edit. Paris. 1671.
- (e) In citat. Collect. Labb. pag. 1527.

*Hiscæ absolutis , præfatus R. P. D. Stay  
egressus est e loco Consistorii ; & San-  
ctissimus Allocutionem sic  
prosecutus est .*

Ex quibus omnibus præclare intellexistis , VENE-  
RABILES FRATRES , quid hac in re actum jam sit ; præci-  
pue vero constare Vobis potuit , quam candido , sincero ,  
atque ingenuo animo in Cor suum se rediisse fateatur  
Febronius ; & , quod animadverti maxime debet , non  
temporali ullo commodo illectus , non virium in-  
firmitate fractus , non ingenio debilitatus , nec mo-  
lestis inductus suasionibus , sed sola veritatis agni-  
tione permotus , sola supernæ gratiæ illustratione ,  
perfusus , solo denique salutis suæ desiderio incen-  
sus , errores suos singulari studio rejiciat , summa-  
que contentione ejuret ; ut retractationis Libellum ,  
quem *PROPRIA MANU TOTUM PERSCRIBERE  
VOLUIT* , selectis *PATRUM AUCTORITATIBUS* ,  
*ET RATIONIBUS ROBORARIT* . Nonne hæc est mu-  
tatio Dexteræ Excelsi ? *Qui innumeris Charismatum  
donis universum Ecclesiæ Corpus exornat , ut per multos  
unius luminis radios idem ubique splendor appareat ,  
nec possit nisi gloria esse Christi , cujuslibet meritum Chri-  
stiani .* (a) Neque enim exiguum id esse reputamus  
Episcopi Myriophytani meritum , qui sanctissimos  
Job , & Davidem imitatus , nullam afferri sibi mo-  
ram passus est ab importuno , quo imbecilles animi  
plerumque capiuntur , pudore errata sua confitendi ;  
sed

(a) S. Leo M. Serm. 63. Cap. 7. Par. 1. Oper. cit. Edt.

sed summam ingenii docilitatem, ac miram animi fortitudinem in damnandis sententiis suis, seque ipso pro veritate abjiciendo, declaravit: Audiatur hic Ambrosius, cujus verbis dum Febronii laudes cuthulantur, vulgi stultitia detestatur: *Amicus Dei, Propheta Dei, Rex ab ipso electus Deo, & unctus in Regnum, flagellis se spontaneus offerebat, nec erubescibat; & Tu erubescis? Non multum ista verecundia Tibi opitulabitur, cum ad Judicium Dei veneris: Sed pudoris Te istius pœnitebit, cum in conspectu non solum hominum, sed etiam Angelorum, & omnium Potestatum Cœlestium constitutus, cœperis peccata propria non negare . . . Non esset hodie in requie servulus meus Job, si erubuissest tres illos Reges Amicos suos; nec ipse David, si erubuissest delicta propria confiteri . . . . . Et quia merque eorum non erubuit factorum suorum pretium in mea ponere potestate, meo se iudicio voluntatique committere; nec Ego de talibus Servulis erubescam, ut appellẽm Amicos meos, qui meam studuerint facere voluntatem. (a) Accedere etiam ad ipsius meritum debet, quod cum a perniciofa dissensione ipse jam discessisset, ab eadem itidem suo exemplo brevi abducturum eos confidamus, qui hactenus illius, tamquam sui Ductoris, signa sunt secuti.*

Si Dioscori interitus, qui in sua sentiendi pravitae obiit, ut scribit Leo Magnus, (b) in profundiora deiecit affectus ejus, & perfidiæ tucentore sublato, instabiles quædam, & insipientes animæ habent, quod paveant, non habent, quod sequantur; quales nunc es-

se

(a) Enarrat. in Ps. David. 37. n. 51. Tom. 1. Oper. col. 828. Edit. Paris. Monach. S. Mauri.

(b) Epist. 111.

se Febroniani debent, Auctorem suum videntes, non jam extinctum, sed immutatum, sed Sectatorum omnium in seipso damnantem errores? Habent illi adhuc quem sequantur, si ipso præeunte redire ad officium, ad sanitatem velint; sin renuant, & in sua defectione persistant, quid jam illis supererit, detracto Duce, nisi ut incerti paveant, confusi ut erubescant? Qui enim se a Romana Ecclesia sejungunt, in eaque constitutam Unitatem dividunt, dum amantissimæ suæ Matris sinum, & amplexum recusant, omnem suam substantiam quasi profugî, & inopes dispergunt. Verumtamen pergant illi, quas libuerit, fraudes insidiasque huic Ecclesiæ struere, atque inferre calumnias, &, ut magis adhuc obtrecent, Sæculi Potestatibus eandem obfistere, atque adversari clament; tamen vel inviti agnoscant, ac fateantur necesse est, quanta nunc iis auctoritatis species decesserit; quamque in apertum aggerata illa falsitatis commenta proferantur. Neque se magno similiter errantium numero tueri poterunt, sibi quæ de multitudine blandiri; ut enim Ambrosius egregie monuit: (a) *Multitudo sociorum impunitatem non facit criminum: Nam in Sodomâ, & Gomorrhâ, & in totis quinque Civitatibus innumerabiles utique habitabant Populi, & omnes pariter . . . igneis imbris conflagarunt.*

Nos interea Myriophytanum Episcopum, qui manifesta professione a se abjecit ac repulit quidquid in Scriptis suis Romana detestatur Ecclesia, & nihil

simu-

(a) Lib. de Laps. Virginis consecr. Cap. 9. n. 41. Tom. 2. Oper. col. 316. supracit. Edit. Paris.



simulatum, nihil obscurum, nihil ambiguum in sua Retractione intexit, diutius morari non possumus, quin, etsi magno a Nobis locorum intervallo divisum, in Spiritu Caritatis amplectamur; & ab inefabili misericordia Dei non judicemus alienum, sed omnis culpæ abolitionem, & Apostolicæ pacis gratiam impertiamur: *Nullas patitur veniæ moras vera Conversio; & in dispensandis Dei donis non debemus esse difficles, nec accusantium se lacrymas, gemitusque negligere, cum ipsam pœnitendi affectionem ex Dei credamus inspiratione conceptam.* (a) Aliter, uti docuit per aptissimas similitudines Cyprianus, (b) præcluderemus, atque abscinderemus iter doloris, ac pœnitendi viam; & dum fructus pœnitentiæ intercipitur, pœnitentia ipsa tollitur. Supremus enim Creator noster magis placatur voluntate, quam sanguine, ut ostendit in Abraham, cujus fidem in Filii oblatione requisivit; at si eum iussit offerri, tamen non permisit occidi. (c) Huic Nostræ voluntati magnum adjecit incitamentum Trevirensis Archiepiscopus, qui idipsum a Nobis summo studio postulavit. Ipsi non solum omnem habemus, pro sua amplitudine, ac virtute, fidem; sed tantum existimationis, caritatis, ac laudis pro innumeris suis in Ecclesiam, meritis deferimus, ut incredibilem in modum illius studiis, illius gloriæ faveamus. Ejus maxime, post Deum, in eximio hoc opere partes extiterunt; ejusdem Consiliis, atque Actis, tam præclara incepta præclariores sunt exitus consecuti.

Sum-

(a) S. Leo M. Epist. 83. Cap. 4.

(b) Epist. 52. juxt. Edit. Paris. 1603.

(c) S. Petr. Chrysost. Serm. 108. Edit. Lugdun. 1617.

Summa est præterea ipsius Nobiscum conjunctio, summa erga Apostolicam hanc Sedem observantia. Quapropter dum ipsum debita hac prædicatione prosequimur, dum tantopere de sua pietate gaudemus; adhuc multo majore fiducia nunc ab ipso petimus, eumque obsecramus, ut pastoralis Animo pergat Adversariorum Machinamenta confringere, Coepiscoporum excitet diligentiam, ut quos eadem Unitatis causa conjungit, eodem ardore inflammentur in revocandis iis, qui a veritatis semita inconsultius deerrarunt in suis Ecclesiis, ut ita *Domini ovile reparetur, & per sollicitudinem Caritatis atque doctrinæ, omnes Christi Oves unum se sentiant habere Pastorem.* (a)

Hæc sunt, VENERABILES FRATRES, quæ in sinu Nostro diutius continere præ gaudio non potuimus, quin Vobiscum communicaremus; ut quos antea sollicitudinis, ac doloris socios habuimus, nunc consolationis Nostræ compotes, participesque faciamus. Præclaram tribuit annunciandæ hujus lætitiæ opportunitatem, illamque potissimum auget, hæc ipsa solemnis, quam celebramus, Reparationis dies. (b), in qua *Rex pactis, cum sua pace procedens, fugavit omne diffidum*

(a) S. Leo M. Epist. 141. in fin.

(b) Alexander PP. VI., uti proditum in Diario Burchardi Cæremoniarum Magistri, habuit die 25. Martii 1498. Consistorium secretum, recurrente Dominica quarta Quadragesimæ, *Lætare* nuncupat, in quo providit nonnullas Episcopales Ecclesias. Benedixit Rosam auream; & deinde venit ad Cappellam majorem, in qua celebravit Missam Card. Perusinus,

Julius PP. II., teste Diario Paradis de Crassis Cærem. Mag., habuit Consistorium secretum in Aula Paramentorum die 23. Februarii 1505., recurrente Dominica tertia Quadragesimæ; & postea venit ad Cappellam, in qua Missam cantavit Archiepiscopus Atheniensis Adfuit

In Diario Phebei Cærem. Mag., A. 1646., legitur: *Feria 2. die 12. Mensis Martii, licet sit Festum Palatii, videlicet S. Gregorii Magni, tamen habitum est Consistorium secretum, presentibus triginta Cardinalibus; in quo propo-*

*diuini, dissensiones depulit, discordiam perturbauit, & sicut Cælum splendor Solis, ita Ecclesiam fulgore pacis illuminat . . . ut nunc procedente Christo Rege pacis omne, quod triste est, auferatur a medio, & illucescente veritate, fugetur mendacium. (a)*

Hic etiam aptissimus se obtulit Nobis ad Vos alloquendum locus, e conspectu nempe gloriosæ Confessionis Principis Apostolorum, qui Petra est, ad quam eliduntur filii Babylonis; & obtinens cum æterno Sacerdote indeficiens consortium, Sedi suæ præesse non desinit, ut omnino Febronii poenitentiam ejus patrocínio referre debeamus.

Plurimam quoque iucunditatem attulit Vos alloqui e latere Corporis Magni Leonis, quo Christus utitur assertore; cujus Scripta suauissima præbent legentibus spectacula; quemque *Advocatum, & Propugnatorem veritatis inuenimus. (b)*

Gloriemur itaque in Domino, VENERABILES FRATRES, & causam hujusce actionis ad originem suam, caputque ferentes, illi immortales gratias, illi laudem, gloriam, & honorem tribuamus, in cujus manu & hominum corda, & momenta sunt temporum.

*proposita sunt multa Ecclesia, & petitum Pallium pro Ecclesia Strigoniensi &c. Heri mane, cum SS. (Innocentius PP. X.) Curatori dixisset, quod hac mane esset Consistorium; dictum est respondisse: Esse Festum Palatii, & ideo celebrari non posse Consistorium. Cui quam prudentissime Summ. Pontifex, Possimus, inquit.*

Clemens XIII. die 24. Decembris 1767. mandauit indici Consistorium secretum, dum cantabantur prim. Vesper. Natiuitatis D. N. J. Christi; quibus expletis, habuit Consistorium in Aula Consistoriali Palatii Quirinalis, & gravi Allocutione exposuit necessitates Catholicæ Ecclesiæ, & decrevit solemnem utriusque Cleri Supplicationem habend. die 18. ejusd. Mensis, Fest. SS. Innocentium, in Basilica Vaticana. Cui idem Summus Pontifex cum Sac. Cardinal. Collegio, ac omnibus Romanæ Curie Præsulibus interfuit.

(a) S. Petr. Chrysol. Sermon. 149. cit. Edit.

(b) Theodoret. Episc. Cyr. ad S. Abund. Episc. Comens. apud Baron. ad ann. Christi 450. n. 33. Tom. 8. Annal. Edit. Lucens.

